

早前謝霆鋒宣布今年4月在啟德主場館開兩場演唱會，除了成為首位在啟德主場館開騷的亞洲歌手外，亦是他相隔25年再開騷，令一眾樂迷興奮不已。上月有信用卡優先訂購門票火速售罄，近日便有疑似「黃牛」放飛，門票竟被炒至17萬元！英皇高層霍汶希呼籲大家要理性支持偶像，不要買「黃牛飛」。

霍汶希呼籲勿幫襯「黃牛」

霆鋒演唱會 炒飛價17萬

現年44歲的謝霆鋒1996年出道，當時憑鮮明的叛逆搖滾歌手形象爆紅，《壞習慣》、《玉蝴蝶》、《活著VIVA》和《邊走邊愛》等歌曲相當經典。1998年霆鋒開始踏足電影圈，演出《新古惑仔之少年激鬥篇》，成功奪金像獎最佳新演員，之後他在影壇大放異彩，2009年《十月圍城》、2011年《綫人》更令他分別奪得金像獎最佳男配角和最佳男主角。除了幕前發展，他亦涉足幕後，投資後期製作公司。

近年專心拍戲的霆鋒鮮有唱歌，故他宣布4月在啟德主場館舉行兩場《Evolution Nic Live 謝霆鋒進化演唱會》，更是亞洲首位登上場館開騷的歌手，全城即掀起撲飛潮，上月的信用卡優先訂購，門票隨即被秒殺，一票難求。

楊受成：拉姑都嗌救命

由於全城瘋搶，近日

疑似「黃牛」於網上放飛，門票被炒至逾17萬元一張，認真誇張！雖然霆鋒開騷，但親友都買唔到，就連阿媽狄波拉都呻冇飛！英皇集團主席楊受成博士透露：「拉姑都嗌救命呀！」問楊受成現在是否不夠膽聽電話，怕朋友跪求門票？他說：「聽，點會唔聽？我話你哋登記先，到時如果有我就畀你。」問到會否加場？楊受成發揮幽默本色，他說：「你知霆鋒好有性格喇，冇人可以叫到佢，但依家諗緊。」

另外，英皇娛樂集團營運總裁霍汶希（Mani）日前跟楊受成、久未露面的謝賢、拉姑與霆鋒團拜，對於門票被炒高至6位數字，Mani勸大家要理性購票：「大家咁支持霆鋒當然開心，但希望大家理性啲，唔好炒貴啲飛，同埋唔好幫襯黃牛。」

■楊受成、霍汶希與霆鋒一家團拜。



■霆鋒雖然近年主力拍電影，但從沒有放棄音樂。



■Mr.接受許文軒（右）訪問，暢所欲言。



陪梁超怡行街冇下文 林俊其否認撻着

2022年港姐季軍梁超怡前年被傳介蔡卓妍（阿Sa）與富三代男友石恒聰的戀情，梁超怡一直避談，事件擾攘近一年才回應：「其實我覺得呢啲唔係真呀！」與石恆聰劃清界線。昨日有報道指她暗搓前合作拍無綫劇《黑色月光》的「翻版王浩信」林俊其，兩人被拍得穿白色情侶裝到尖沙咀撐枱腳，之後又一齊買衫及化妝品，儼如熱戀中的情侶。

林俊其受訪時否認與梁超怡拍拖，他說：「俾人影到嗰日係《黑色月光》最後一日宣傳，咁啱我哋無夾過之下撞咗套衫。」他指碰巧當晚要去尖沙咀工作，做完宣傳一齊在尖沙咀食午飯：「之後超怡要買生日禮物畀朋友，我就陪佢去買。」問到可有發展機會？他說：「唔會，都冇打算追，我哋幾個真係好朋友，啲排經常合作，會互相幫助。」

■林俊其與梁超怡合作《黑色月光》。



MJ曾反對Mr.重組

日前樂隊Mr.接受TVB節目《勁歌金榜》主持許文軒訪問，大談相隔5年以4人姿態重組樂隊。原來成員MJ一直反對重組，他說：「其實佢哋叫過我好多次，但我好反對，因為我覺得我哋4個點唱都取代唔到Alan（布志綸）嘅歌聲。去到好後期時，Dash再叫我，我哋度諗如果我唔去，我會唔會後悔？所以做分享會嘅時候，我係好擔心Fans反應唔好，但出乎我哋意料之外，估唔到佢哋由第一首歌開始，同我哋合唱到最尾，而且個票房一開賣就爆滿，係畀咗我哋一啲信心。」



周嘉洛飛身追彩票搵命博

無綫新劇《痞子無間道》前晚首播，周嘉洛於「追彩票」一幕技驚四座！劇情講述他為了取回巨額彩票，先從露台一躍而下，以360度完美空翻着地，之後他追着「彩票」喪跑，期間除了繼續打空翻，還飛身穿過突然迎面而來的大轎，動作利落。嘉洛受訪時透露首集幾乎所有動作場面都由自己親身上陣：「好感恩公司有好出色嘅動作指導同埋Wire組，令我可以又安全又好效果咁完成呢場戲。除咗飛身穿轎個位真係太難要用替身，其餘位都係我做。」



■周嘉洛拍動作戲盡量不用替身。